



Nošenje i slanje PBS lijekova u inostranstvo

Mnoge vrste lijekova koštaju više od iznosa koji za njih plaćate – neki koštaju stotine dolara. Putem Programa farmaceutskih beneficija (Pharmaceutical Benefits Scheme (PBS)), australaska vlada subvencionira troškove široke lepeze lijekova na recept.

Svi građani Australije imaju pristup jeftinijim lijekovima putem PBS-a. PBS lijekovi su također dostupni posjetiocima iz sljedećih zemalja koje na to imaju pravo: Italije, Novog Zelanda, Republike Irske, Finske, Norveške, Malte, Holandije, Švedske i Ujedinjenog Kraljevstva. Australija ima recipročne aranžmane o zdravstvenoj zaštiti sa ovim zemljama.

Protivzakonito je da iznosite ili šaljete PBS subvencionirane lijekove van Australije osim ako su za ličnu upotrebu, ili ličnu upotrebu osobe koja sa vama putuje iz Australije, npr. dijete. Takođe postoje ograničenja na količinu PBS lijekova koju možete iznijeti ili poslati u inostranstvo.

Osobe koje budu uhvaćene da postupaju sa PBS lijekovima na način koji je u suprotnosti sa odobrenim rizikuju kaznu u visini do \$5000 i/ili zatvorsku kaznu u trajanju od dvije godine.

Nošenje PBS lijekova u inostranstvo

Ako planirate put u inostranstvo, važno je da ponesete lijekove koje dobivate na ljekarski recept i nastavite ih uzimati da biste na taj način čuvali zdravlje. Također je važno da provjerite da se vaš lijek ne smatra ilegalnim u zemlji u koju putujete.

Ako PBS lijekove nosite u inostranstvo za svoju ličnu upotrebu ili za nekoga ko putuje sa vama, važno je da:

- porazgovarate sa svojim ljekarom o lijekovima koje trebate ponijeti sa sobom
- nazovete ambasadu zemlje u koju putujete i provjerite da se taj lijek ne smatra ilegalnim u toj zemlji
- ponesete pismo od svog ljekara u kojem se navodi o kakvom se lijeku radi, u kojim dozama ga trošite, te da je za vašu ličnu upotrebu
- držite lijek u originalnoj ambalaži sa naljepnicom na kojoj se vidi vaše ime i prepisana doza.

Slanje PBS lijekova u inostranstvo

Ako planirate da pošaljete PBS lijek u inostranstvo za svoju ličnu upotrebu dok ste tamo, ili upotrebu osobe koja sa vama putuje iz Australije, važno je da:

- porazgovarate sa svojim ljekarom o lijekovima koje trebate poslati
- nazovete ambasadu zemlje u koju putujete i provjerite da se taj lijek ne smatra ilegalnim u toj zemlji
- priložite u paketić pismo od svog ljekara u kojem se navodi o kojem se lijeku radi, zašto ga šaljete, te da je za vašu ličnu upotrebu
- držite lijek u originalnoj ambalaži sa naljepnicom na kojoj se vidi vaše ime i prepisana doza
- pričvrstite popunjenu carinsku izjavu na paketić (Customs declaration) koju možete dobiti u svakoj pošti, na kojoj navodite da je u paketiću lijek koji se izdaje na recept te da je za vašu ličnu upotrebu.

Ako nekom iz porodice ili prijatelju date PBS lijek koji nije za njih prepisan, radite protiv zakona, a osim toga na taj način im možete ugroziti zdravlje. Može biti opasno ako uzimate lijek kojem je istekao rok trajanja, ili lijek koji nije prepisan samo za vas.

Za više informacija

Internet **www.medicareaustralia.gov.au**

Email **pbs@medicareaustralia.gov.au**

Nazovite **1800 500 147**** (Informacije o slanju i nošenju lijekova u inostranstvo)

1800 020 613** (PBS služba informacija)

TTY **1800 552 152**** (Za osobe s oštećenim sluhom i poteškoćama u govoru)

TIS **131 450*** (Služba prevođenja i tumačenja)

*Za poziv se plaća.

**Za poziv se plaća samo ako zovete sa mobitela ili iz javne govornice.